

施燈功德經

百九十一
難十

4868/



元祿九年丙子二月日重修

皇圖鞏固 帝階綴昌

佛日增輝 懋輪常轉

山城州天安寺法金剛院置

佛說施燈功德經

難

高齊天竺三藏法師那連提黎那舍譯

如是我聞一時佛在舍衛國祇樹給孤獨園
 尔時世尊告舍利弗言舍利弗佛有四種勝
 妙善法能令衆生得無量果無量光明無量
 妙色無量福藏無量樂藏無量戒定智慧解

脫解脫知見辯才之藏一切無著無漏之法
 舍利弗何等爲四一者謂如來應正遍知得
 尸波羅蜜具無量戒二者得禪波羅蜜具無
 量定三者得般若波羅蜜具無量慧及廣智
 慧觀達慧如性慧無數慧決定慧畢定知見
 四者得無濁心善勝作心具妙解脫第一解



脫是爲四種勝妙善法舍利弗是佛如來應
正遍知於一切惡皆悉遠離一切善法皆悉
成就衆行備滿具如實見遠離閻冥能爲光
曜具足無量福智資糧隱蔽世間不爲世間
之所映奪獲得戒定智慧解脫解脫知見具
足十力四無所畏得一切諸佛法力能具諸
佛法力得具諸佛大慈悲力及辯才力本願
方便皆悉滿足善修本業具智慧寶精進無
量終不休息離諸憂感無有逼惱無有取著
能善調伏爲大龍王無有餘習爲一切衆生
無上福田舍利弗若比丘比丘尼沙彌沙彌
尼優婆塞優婆夷清淨心爲求福故爲愛樂

福故思念如來無上方便本行滿足盡未來
際一切生死於現在世成就無量無著戒定
智慧解脫解脫知見乃至念佛一種功德念
功德已於無量億那由他百千劫中所習善
根三明福田所清淨戒所無等等戒所無量
真實功德所或於塔廟諸形像前而設供養
故奉施燈明乃至以少燈炷或酥油塗然持
以奉施其明唯照道之一階舍利弗如此福
德非是一切聲聞緣覺所能了知唯佛如來
乃能知也舍利弗求世報者福德尚尔何況
以清淨深樂心不求果報安住恭敬相續無
間念佛功德善男子善女人等所生福德舍

利弗照道一階福德尚尔何況全照一階道也二階道或三階道或四階道或及塔身一級二級乃至多級一面二面乃至四面及佛形像舍利弗彼所然燈或時速滅或風吹滅或油盡滅或炷盡滅或俱盡滅譬如諸龍以瞋恚故出雲垂布於中起電起已尋滅舍利弗如是少時於佛塔廟奉施燈時若彼比丘比丘尼沙弥沙弥尼優婆塞優婆夷若復能人不受戒者爲樂善故護己身故信佛法僧如是少燈奉施福田所得果報福德之聚唯佛能知一切世間人天魔梵沙門婆羅門乃至聲聞辟支佛等所不能知如是然少燈明

所受福報不可得說舍利弗諸佛境界不可
思議唯有如來乃知此義舍利弗彼施燈者
所得福聚無量無邊不可筭數唯有如來乃
能了知舍利弗然少燈明福德尚不可筭
數況我滅後於佛塔寺若自作若教他作或
然一燈二燈乃至多燈香華瓔珞寶幢幡蓋
及餘種種勝妙供養舍利弗有四種法應當
信受何等爲四一者佛法無量應當信受二
者少修善根獲無量報應當信受三者若於
三寶深生敬信善修業行所得福報汝等聲
聞現見我尚不能淨具足知之亦復不能思
惟測度況我滅後聲聞弟子遠離我者能得

現知及能惻度若有能知及惻度者無有是
處應當信受四者是諸聲聞不能得知及能
測量一切衆生所有作業及業果報舍利弗
汝等聲聞於此事中不須思量何以故舍利
弗如來常說一切衆生業行果報不可思量
過去諸佛應正遍知已如是說衆生業報不
可思量未來諸佛應正遍知當如是說衆生
業報不可思量衆生心信及心自性亦不可
知不可思量如是之義應當信受舍利弗汝
等聲聞住聖種者於一切衆生業報之中無
有實眼及巧方便況餘輕微薄劣心者離戒
足慧解脫解脫知見者失正念者無明闇冥

厚翳目者於自己身內外諸法而不能知我
竟是誰我是誰許我住何處我之功德爲大
爲小我當云何爲與戒相應爲與戒不相應
我爲正念戒我爲失念戒我所作業爲作智
人業爲作愚人業爲從何來爲何處去舍利
弗諸凡夫人顛倒見者於自己身如是等事
尚自不知況能得知一切衆生種種業報若
能知者無有是處舍利弗如來應正遍知戒
無滅定無滅智無滅解脫無滅解脫知見無
滅相無滅舍利弗如來應正遍知無量戒無
礙戒不思議戒無等戒究竟戒清淨戒彼如
來於一切衆生若業若業報皆如實知舍利

弗云何如來於一切衆生業報得如實知舍利弗如是知或有衆生善業盡不善業增或有衆生不善業盡善業增或有衆生善業當減生不善當滅或有衆生不善當生善業當減舍利弗如來如是入一切衆生業及業報種種差別皆如實知彼彼衆生或有無知或有愚闇或有善者或不善者舍利弗我有如是智者如是善巧於諸衆生不可思議種種業報皆能記說舍利弗若有衆生成就信心彼能信我若復衆生無有信心遠離我法不信我語誹謗於我彼於長夜無義無利墜墮苦惱舍利弗若彼衆生於佛塔廟奉施燈明以

此奉施所作善業能獲安樂可樂之果彼施
燈明作善業時欣喜相應從信心起於現在世
得三種淨心何等爲三彼諸善男子善女人
作是念我於如來已設供養知身不堅攝堅
身想知財過患攝堅財想舍利弗是名供養
佛塔第一淨心復次舍利弗彼諸善男子善
女人起如是心我於如來無上福田最勝福
田能受最勝供養者所已作供養我今不畏
墮於地獄畜生餓鬼我此善根已作人天善
道之因得於妙色資生衆具又得智慧安隱
快樂乃至能得菩提之果舍利弗是名供養
佛塔第二淨心復次舍利弗彼諸善男子善

女人作如是想我於諸佛已作捨施已作福
德已捨慳貪已除慳過作如是念已施心無
慳施心增長舍利弗是名供養佛塔第三淨
心復次舍利弗若善男子善女人於佛塔廟
施燈明已臨命終時得三種明何等爲三一
者彼善男子善女人臨命終時先所作福悉
皆現前憶念善法而不忘失舍利弗是爲二明
因此便能念知自己先於佛所植諸善業復
次舍利弗彼善男子善女人於命終時得如
是念我於佛像塔廟等前已曾供養作是念
已心生踊悅舍利弗是爲二明因此便能起
念佛覺復次舍利弗彼善男子善女人於命

終時見餘衆生奉行布施見他作已起如是
念我亦曾於佛支提所奉施燈明我今亦當
復行布施念於布施得欣喜心得喜心已無
有死苦舍利弗是爲三明因此便得念法之
心復次舍利弗佛塔廟中布施燈者彼善男
子善女人於臨終時更復得見四種光明何
等爲四一者於臨終時見於日輪圓滿涌出
二者見淨月輪圓滿涌出三者見諸天衆一
處而坐四者見於如來應正遍知坐菩提樹
垂得菩提自見己身尊重如來合十拍掌恭
敬而住舍利弗是名於佛塔廟布施燈已臨
命終時得見如是四種光明尔時世尊說此

義已復說偈言

無上法王大仙人

彼智慧者作業已

臨命終時不失念

得四種喜離諸罪

臨死時見十方明

見天千万那由他

父母妻子及親屬

死者不念亦不視

現前得覩天宮殿

復現莊嚴諸園林

又見佛坐菩提樹

若人奉施彼塔廟

獲得無邊最勝樂

能見自昔布施燈

於彼死時不惑亂

現覩日月從地出

爲彼天衆說佛法

皆悉圍遶大悲獅

彼人正念常不亂

對諸天女心安隱

是中具足勝五欲

天人脩羅悉圍遶

自見合掌住佛前
既見導師深敬重
世尊見彼心欣喜
是人稱願喜充遍
彼於佛所心喜已
臨命終時不失念

於勝牟尼修供養
其心欣喜請如來
於是不違受彼請
於捨命時無苦惱
無有臨終大怖畏
彼觀十方皆大明

見未曾有勝妙色
死已必得生天上
有諸天女圍遶之
復次舍利弗於佛塔廟施燈明已死便生於
三十三天生彼天已於五種事而得清淨舍
利弗云何彼天於五種事而得清淨一者得

此是施燈之果報

自見已 坐天床

供養佛故得此果

復次舍利弗於佛塔廟施燈明已死便生於
三十三天生彼天已於五種事而得清淨舍
利弗云何彼天於五種事而得清淨一者得

清淨身二者於諸天中得殊勝威德三者常
得清淨念慧四者常得聞於稱意之聲五者
所得眷屬常稱彼意心得欣喜舍利弗是名
彼天於五種事而得清淨亦時世尊欲重宣
此義而說偈言

彼天獲得光明身

具足功德他尊重

與千天子爲上首

以燈施佛支提故

所聞天聲常稱意

哀美殊妙勝餘天

具足第一勝念慧

復得最上勝眷屬

隨彼天子所行處

一切諸天皆欽仰

本昔修習何等業

今得如是熾然身

有樹皆名上歡喜

周匝光照猶如月

彼天感得是妙樹

持此在勝天宮園

無量諸天皆驚恠

今此樹華名何等

猶如燈明光照曜

普出如意妙熏香

彼天所有諸眷屬

以彼樹華莊嚴身

彼於無量億天中

光明照曜猶如日

復次舍利弗於佛塔廟布施燈明生三十三

天已彼天自知如是時中我住於此如是時

中我當命終彼勝天子臨命終時於其眷屬及

餘天衆說法勸化令其欣喜於彼天宮捨壽

命已不墮惡趣生於人中最上種姓信佛法

家是時世間若無佛者亦復不在輕取吉凶

邪見家生亦時世尊欲重宣此義而說偈言

彼天生得如是智
彼天亦復能自知
五種死相出現時
即爲億天衆說法
於天衆中作是言
或有生者或有死
彼諸眷屬皆悲惱
雖復見已五種相
在彼天宮命絕已
住胎出胎念不亂
生已便得宿命通
念人中苦不貪樂

知尔許時天中住
我今未幾當命盡
彼天壽命臨欲絕
遠離愚癡心不憂
諸有無常亦無樂
不念將死說是法
無量天衆亦復然
自念功德不憂愁
尋即下來人間生
常受快樂無苦惱
悉能憶念本來處
須臾死來見逼切

彼念天中果報已
天中尚苦况復人
彼人及其成立已
心常不行惡覺觀
世世恒得宿命通
必定出家持淨戒
恒常不盲及攣蹇
身亦無病無惡聲
又復恒常無眼患
不無一眼及瞎眼
眼目脩長黑白分
眼淨能見微細物

於此人間不為樂
諸有不堅常流動
必當捨家而出家
彼當獲得如是果
亦常不作諸惡業
此是彼施燈明果
眼一切時不闇昧
心常黠慧不愚惑
所在受生眼不眇
彼眼亦常不濁亂
猶如淨妙青蓮葉
如彼明徹摩尼珠

無量阿僧祇劫中
彼亦常無眼諸病
善印善根善諸論
彼有智人善觀察
善觀諸有不自在
普見一切佛世尊
生生得勝端正色
得大財寶力自在
如彼燈明能破闇
彼人光明亦如是
若於佛塔起信心
施燈明時心清淨

得淨肉眼不失壞
此是奉施燈明果
於諸工巧悉究了
妙慧能見第一義
於佛法中得照明
見已恭敬修供養
親戚眷屬皆敬愛
及得不壞諸眷屬
熾燃照曜遍諸方
不爲闇冥所隱蔽
施勝燈鬘及瓔珞
獲得人中最勝尊

端正殊妙甚可愛
心不輕取於吉凶
世間所有諸惡見
若爲國王恒知足
常無苦惱亦無憂
彼無一切諸退失
若爲王臣所發言
身常無有羸瘠病
身相具足安樂住
亦復不見諸惡夢
生生能得諸伏藏
諸佛功德無有邊

一切世間所喜樂
亦不樂於世左道
及邪道等不信受
不貪他土興戰諍
亦復無有諸惱熱
復無惡名無衰惱
王及國人無不信
不作黃門不非道
患苦不能著其身
卧覺一切常安隱
供養一切佛支提
彼人所得亦如是

舍利弗若有衆生於佛塔廟施燈明者得於
四種可樂之法何等爲四一者色身二者資
財三者大善四者智慧舍利弗若有衆生於
佛支提施燈明者得如是等可樂之法尔時
如來欲重宣此義復說偈言

身臚圓滿具大六

不與他人共戰諍

遍遊諸方無惱者

由燈奉施佛支提

生於大富上族家

具足功德人所敬

生生恒得宿命智

由燈奉施佛支提

於諸衆生常悲念

發言眷屬皆敬受

心無損害恒調柔

常不造作惡道業

復次舍利弗若有衆生供養佛塔得四種清

淨何等為四一者身業清淨二者口業清淨
三者意業清淨四者善友清淨舍利弗云何
得於身業清淨若善男子善女人於彼彼生
處遠離殺生無殺害意亦常遠離偷盜邪淫
於己妻所尚不邪行況餘人妻亦不飲酒放
逸自縱不以刀杖及餘苦具加逼衆生離不
善法及諸惡業舍利弗遠離是等是名身業
清淨舍利弗云何口業清淨是人世世常不
妄語若不見聞終不妄說若見若聞合時諮
問然後乃語為利自他不作異說設若有人
教令妄語為護實語終不妄言不以此語向
彼人說不持彼事向此人道二朋先壞不令

增長有所發言能善和諍若痛心語若麁語
若苦惡語不喜語不樂語不愛語不入心語
惱他語結怨語悉皆遠離有所發言潤語濡
語意樂語不麁語悅耳語美妙語入心語多
人愛語多人樂語可愛語可樂語能除怨語
恒作如是種種美妙語復離綺語不作異想
異語不作異印異期覆障實事不煩廣語不
非時語恒究竟語舍利弗如是遠離不清淨
口業成就清淨口業舍利弗是名口業清淨
舍利弗云何意業清淨於他所有珍寶資財
不起貪著不起瞋心遠離害心又離邪見無
諸惡見舍利弗遠離是等是名意業清淨舍

利弗云何得善友清淨若諸善友遠離妄語
亦不飲酒離諸麤獷調伏正見往詣其所親
近諮受又詣諸佛菩薩緣覺聲聞等所親近
供養諮受未聞舍利弗是名第四善友清淨
舍利弗若善男子善女人於佛支提施燈明
已得如是等四種清淨今時世尊欲重宣此

義而說偈言

爲欲照塔故然燈
遠離邪見具淨戒
猶如淨日照十方
彼大智慧具威德
智者能了衆生意

身口意業善調伏
由是獲得如意眼
速能獲得於漏盡
得淨天眼離塵漏
亦得通明及辯才

求二乘道得不難

由施佛燈獲是報

若求無上佛菩提

天眼智慧及財物

於此三事恒無減

由燈奉施佛支提

舍利弗若善男子善女人住於大乘於佛塔

廟施燈明已彼世世中得於八種可樂勝法

何等爲八一者獲勝肉眼二者得於勝念無

能測量三者得於勝上達分天眼四者爲於

滿足修集道故得不缺戒五者得智滿足證

於涅槃六者先所作善得無難剋七者所作

善業得值諸佛能爲一切衆生之明八者若

善男子善女人以彼善根得轉輪王所得輪

寶不爲他障其身端正或爲帝釋得大威力

具足千眼或爲梵王善知梵事得大禪定舍利弗以其迴向菩提善根得是八種可樂勝法復次舍利弗住於大乘善男子善女人復得八種無量勝法一者得於無量佛眼二者得於無量如來神通三者得於無量佛戒四者得於無量如來三昧五者得於無量如來智慧六者得於無量如來解脫七者得佛無量解脫知見八者得入一切衆生心所樂欲舍利弗善男子善女人於佛塔廟奉施燈明能攝如是無量勝報復次舍利弗若有衆生見說法者作如是念去何令彼常得宣說顯示佛法以燈施彼施油燈故令說法者得施

法燈作是念已持燈奉施以此布施燈明善
根得於八種無量資糧何等爲八一者得於
無量正念資糧二者得於無量大智資糧三
者得於無量信心資糧四者得於無量精進
資糧五者得於無量大慧資糧六者得於無
量三昧資糧七者得於無量辯才資糧八者
得於無量福德資糧舍利弗是名施燈八種
資糧亦復得於四無礙辯乃至次第得一切
種智復次舍利弗若有善男子善女人於如
來前見他施燈信心清淨合十拍掌起隨喜
心以此善根得於八種增上之法何等爲八
一者得增上色二者得增上眷屬三者得增

上戒四者於人天中得增上生五者得增上
信六者得增上辯七者得增上聖道八者得
阿耨多羅三藐三菩提舍利弗是名八種增
上之法舍利弗何故能得此等八種增上勝
法舍利弗佛有無量戒定智慧解脫解脫知
見故供養彼者所得果報所得利益亦復無
量尔時世尊欲重宣此義而說偈言

造作出離行

勤修於佛法

棄捨死軍衆

如象碎華林

尔時佛告慧命舍利弗有五種法最爲難得
一者得人身難二者於佛正法得信樂難三
者樂於佛法得出家難四者具淨戒難五者

得漏盡難舍利弗一切衆生於是五法最爲
難得汝等已得今時世尊重宣前義勸舍利
弗等而說偈言

如來又提修布施
智者造作此勝因
於天人中受勝生

譬如須彌安不動
彼天衆見皆恭敬
彼興供養亦讚美
哥哉是天福德相
此天曾作何等業
見是誰不修習善

爲利衆生求菩提
生生常得最勝報
爲人天等修供養

光明普遍照十方
亦復愛樂生信心
一切皆喜數數見
猶梵天光照梵宮
身光明炎得如是
誰不修學聖種戒

誰見牟尼生獸心
彼昔在於人間時
曾佛法中設供養
願我恒得於人身
常不放逸住佛道
獲得人身最爲難
徒費資財不爲法
天見無垢威德已
願我常得人間生
願我最後臨終時
願得正念不志失
爲千億天所供養

誰聞妙法而放逸
常以燈施如來塔
善得福利生天中
於佛法中生淨信
寧棄身命不捨法
愚人云何不爲福
死已便墮大嶮坑
心自悔嘖發願言
精勤修習於梵行
於佛法中得淨信
得見無量諸如來
與諸天女相娛樂

諸天女衆皆敬愛
諸方天香皆來熏
是天隨所遊行處
所可見色皆可愛
亦復常得勝妙觸
從彼沒已生人道
生已憶彼天中事
彼人造作如是業
其王形身極端嚴
由彼業故得命長
其身無有諸患痛
無有王難怨賊難

天女莊嚴處園林
耳聞一切妙音聲
恒得覩見上妙色
彼常不覩諸惡色
皆由持燈施支提
正念處於父母胎
智慧之力不退失
得於大力轉輪王
施燈獲得如是報
一向清淨安樂器
然燈獲得如是果
他人不敢侵其妻

不爲惡人之所惱
安隱豐足無所畏
得勝瓔珞及園林
當得覩見佛世尊
以欣喜心供養佛
佛無量智究竟智
於此佛塔施燈已
牟尼牛王清淨眼
得於無漏無上道
見四真諦具十力
得遍見眼成善逝
設令一切諸衆生

由持燈明禮佛故
豪富自在饒財寶
斯由然燈奉施佛
見已心便生敬信
棄捨王位而出家
具可嘆德能化人
其人身光如燈照
以好燈明照彼塔
其身光明照十方
不共之法亦究竟
此果皆由布施燈
昔曾供養無量佛

具大威德見實義
十方所有諸世界
以是世界諸燈燄
是人如是修供養
若人一燈奉施佛
燈油譬如大海水
有人能然如是燈
是人深心懷敬信
十方遍置如是燈
若人發於菩提心
是人得福過於彼
十方一切諸衆生

億劫來成緣覺道
悉布燈燄無有餘
若人信心供養彼
於無量劫常不斷
得福過前無有量
其炷猶如須彌山
遍照一切諸世界
其志唯求緣覺道
一心恭敬而供養
手執草炬暫奉佛
我見實義作是說
一一供具皆如上

然經無量恒沙劫
若有人於佛塔廟
求無上道為衆生
難見難思佛境界
無信心者聞不樂
證淨法界甚為難

其心唯求緣覺道
然於一燈或一禮
此福過前無有量
智者聞即生欣喜
彼愚癡魔壞正法
一切世間獨善逝

是故汝等應欣喜

於佛功德當願求

尔時世尊說此法已慧命舍利弗等無量天人
阿修羅乾闥婆緊那羅摩睺羅伽人非人等聞
佛所說皆發無上菩提之心欣喜無量作禮而去

佛說施燈功德經

難

龕獷

下俱猛反惡也

嘖

責音

攣手躄

上力員反

正作癱

手

脚

必亦反

脚

脚

龕獷

反下俱
惡也猛

嘖

責音

攣蹇

縮上力
病也

反

正作

癰

反脚手

也反也

眇

目眉小

濡

字軟

也反

羸瘠

上力垂反
下才亦反

瘦

病也

也

恭



